

adalah sebanyak 4Mbps dan bergantung kepada jumlah pengguna yang menggunakan perkhidmatan KTW1M pada masa yang sama. KTW1M bertujuan untuk menyediakan capaian internet tanpa wayar secara kolektif (Wi-Fi) kepada penduduk luar bandar, terutamanya di kawasan yang kurang liputan.

Selain itu, di kawasan Parlimen Beruas, terdapat perkhidmatan jalur lebar Streamyx dengan kelajuan sehingga 8 Mbps disediakan melalui 4 buah ibu sawat di Ayer Tawar, Beruas, Changkat Kruing dan Pantai Remis telah ditawarkan oleh pemberi perkhidmatan TM. Kelajuan perkhidmatan internet di kawasan tersebut tertakluk kepada jarak dan keupayaan teknikal dan juga lokasi permohonan. Setakat ini, jumlah *port* yang telah dipasang di semua ibu sawat yang dinyatakan adalah berjumlah 6,800 buah *port* dan daripada jumlah tersebut, 4,600 buah *port* telah dilanggan.

Selain itu, sehingga bulan Oktober 2014, anggaran Kadar Penembusan Jalur Lebar talian tetap adalah pada kadar **16%** dan anggaran liputan talian tetap adalah di sekitar **56.4%**. Tiada perkhidmatan HSBB di Parlimen Beruas buat masa ini.

Di bawah seliaan SKMM, TM akan melaksanakan kerja-kerja menaik taraf perkhidmatan jalur lebar di kawasan Parlimen Beruas secara berperingkat akan bermula pada tahun 2015 untuk membolehkan pengguna menikmati perkhidmatan jalur lebar yang lebih baik.

PEMBERITAHU PERTANYAAN DEWAN RAKYAT

**PERTANYAAN BERTULIS : DR. KO CHUNG SEN [KAMPAR]
DARIPADA**

JAWAPAN OLEH Y.B. MENTERI PENDIDIKAN MALAYSIA

PERTANYAAN BERTULIS

Dr. Ko Chung Sen [Kampar] minta **MENTERI PENDIDIKAN** menyatakan bilangan doktor yang sudah dan akan menamatkan pengajian dari :-

- a) universiti awam dari 5 tahun yang lepas ke 5 tahun akan datang; dan
- b) universiti swasta dari 5 tahun yang lepas ke 5 tahun akan datang.

JAWAPAN

Jawapan (a) dan (b)

Untuk makluman Ahli Yang Berhormat,

Di institusi pengajian tinggi awam (IPTA), terdapat seramai 3,927 orang graduan perubatan bagi tahun 2012 hingga 2013 dengan pecahan bagi tahun 2012 ialah 1,900 orang dan bagi tahun 2013 ialah 2,027 orang. Di institusi pengajian tinggi swasta (IPTS) pula, terdapat seramai 1,725 orang graduan perubatan bagi tahun 2013 hingga 2014 dengan pecahan bagi tahun 2013 ialah 1,115 oran, manakala bagi tahun 2014 ialah 610 orang.

Bilangan doktor yang akan menamatkan pengajian di IPTA dan IPTS bagi lima (5) tahun akan datang adalah berdasarkan kepada kuota pelajar perubatan yang diberikan oleh Majlis Perubatan Malaysia.

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

**PERTANYAAN : BUKAN LISAN
DARIPADA : YB DR. KO CHUNG SEN [KAMPAR]
SOALAN :**

YB DR. KO CHUNG SEN [KAMPAR] minta **MENTERI KESIHATAN** menyatakan bilangan jawatan yang tersedia untuk latihan pegawai perubatan siswazah di hospital universiti dan kerajaan setiap tahun.

Tuan Yang Dipertua,

Sehingga 31 Ogos 2014, terdapat 10,803 jawatan bagi Pegawai Perubatan Siswazah (PPS) di Malaysia, di mana 10,360 jawatan di Hospital Kementerian Kerajaan Malaysia (KKM) dan 443 jawatan di Hospital Universiti.

1. Perjawatan PPS UD41

1.1. Sehingga **31 OGOS 2014** terdapat **10,803 jawatan UD41** bagi Pegawai Perubatan Siswazah (PPS) di Malaysia, di mana **10,018 jawatan telah diisi (92.7 peratus)** dan masih mempunyai sebanyak **785 jawatan UD41 yang kosong** bagi PPS.

- a) Bilangan penjawatan PPS di Hospital Latihan siswazah KKM dan Hospital Universiti.

HOSPITAL	BIL	J	I(HO)	K
Hospital Latihan Siswazah KKM	40	10,360	9592	768
Hospital Universiti	3	443	426	17
JUMLAH	43	10,803	10,018	785

- 1.2. Setelah menamatkan latihan siswazah dengan jayanya, PPS akan diiktiraf menjadi Pegawai Perubatan (MO) dan dinaikkan pangkat ke UD44, seterusnya akan mengosongkan kembali jawatan UD41 bagi PPS untuk diisi oleh lantikan PPS yang baru.
- 1.3. Namun begitu, pengisian jawatan PPS di Hospital Latihan Siswazah di Lembah Klang dan bandar-bandar besar adalah lebih ramai berbanding hospital-hospital luar bandar.
- 1.4. KKM sedang merangka pelan strategi supaya pengisian jawatan tersebut adalah mengikut kekosongan semasa di mana sekiranya graduan Perubatan berhasrat untuk memohon bagi ditempatkan di hospital-hospital di luar bandar, maka penempatan beliau adalah lebih cepat berbanding graduan

yang memohon untuk ditempatkan di hospital-hospital Lembah Klang dan hospital dalam bandar yang secara lazimnya mempunyai lebih ramai PPS.

- 1.5. Permohonan penambahan penjawatan untuk PPS daripada pihak JPA secara berkala di Hospital-hospital Universiti. Pada ketika ini terdapat 120 jawatan di Universiti Sains Malaysia, 130 jawatan di Pusat Perubatan Universiti Kebangsaan Malaysia, dan 193 jawatan di Pusat Perubatan Universiti Malaya